

Na osnovu člana 61. stav (2) Zakona o upravi ("Službeni glasnik BiH", br. 32/02 i 102/09) i člana 33f. stav (2) tačke f) i h), a u vezi sa članom 33i. stav (2) Zakona o finansiranju institucija Bosne i Hercegovine ("Službeni glasnik BiH", br. 61/04, 49/09, 42/12, 32/13, 61/14 i 98/14), direktor Centralne harmonizacijske jedinice Ministarstva finansija i trezora Bosne i Hercegovine donosi

**PRAVILNIK
O GODIŠNJEM IZVJEŠTAVANJU O SISTEMU
FINANSIJSKOG UPRAVLJANJA I KONTROLE U
INSTITUCIJAMA BiH**

I. OPŠTE ODREDBE

Član 1.

- (1) Ovim pravilnikom se uređuje uspostava jedinstvene metodologije postupaka i rokova izvještavanja o finansijskom upravljanju i kontroli u institucijama BiH sa ciljem provjere stepena uspostave i kvaliteta finansijskog upravljanja i kontrole.
- (2) Primjenom jedinstvene metodologije osigurava se jednoobrazno sastavljanje godišnjih izvještaja sa odgovarajućim podacima potrebnim za izradu konsolidovanog godišnjeg izvještaja o sistemu finansijskog upravljanja i kontrole u institucijama BiH, koji Centralna harmonizacijska jedinica Ministarstva finansija i trezora Bosne i Hercegovine (u daljem tekstu: Centralna harmonizacijska jedinica) podnosi Vijeću ministara Bosne i Hercegovine.
- (3) Godišnje izvještavanje o sistemu finansijskog upravljanja i kontrole u institucijama BiH podrazumijeva izradu pojedinačnih godišnjih izvještaja institucija BiH i izradu konsolidovanog godišnjeg izvještaja o sistemu finansijskog upravljanja i kontrole u institucijama BiH.

**II. GODIŠNJI IZVJEŠTAJ O SISTEMU FINANSIJSKOG
UPRAVLJANJA I KONTROLE U INSTITUCIJAMA BiH**

Član 2.

- (1) Formu i sadržaj Godišnjeg izvještaja o sistemu finansijskog upravljanja i kontrole u institucijama BiH, kao i formu i sadržaje odgovarajućih upitnika i uputstava potrebnih za njegovu izradu, utvrđuje Centralna harmonizacijska jedinica vodeći računa o konzistentnosti godišnjeg izvještaja sa podzakonskim aktima donesenim u skladu sa članom 33b. Zakona o finansiranju institucija BiH.

Član 3.

- (1) Institucije BiH sačinjavaju Godišnji izvještaj o sistemu finansijskog upravljanja i kontrole popunjavanjem propisanih obrazaca za samoprocjenu sistema finansijskog upravljanja i kontrole.
- (2) Formu i sadržaj obrazaca za izradu Godišnjeg izvještaja o sistemu upravljanja i kontrole u institucijama BiH sa Uputstvom za izradu godišnjeg izvještaja objavljuje Centralna harmonizacijska jedinica na web stranici Ministarstva finansija i trezora Bosne i Hercegovine (www.mft.gov.ba).

Član 4.

- (1) Godišnji izvještaj o sistemu finansijskog upravljanja i kontrole za prethodnu godinu, shodno članu 33d. stav (4) Zakona o finansiranju institucija Bosne i Hercegovine, dostavlja se u pisanoj i elektronskoj formi Centralnoj harmonizacijskoj jedinici najkasnije do 15. februara tekuće godine.

- (2) Rukovodilac institucije odgovoran je za tačnost podataka iz Godišnjeg izvještaja o sistemu finansijskog upravljanja i kontrole.

**III. KONSOLIDOVANI GODIŠNJI IZVJEŠTAJ O
SISTEMU FINANSIJSKOG UPRAVLJANJA I
KONTROLE**

Član 5.

- (1) Centralna harmonizacijska jedinica, na osnovu pojedinačnih godišnjih izvještaja o sistemu finansijskog upravljanja i kontrole institucija BiH, sastavlja konsolidovani godišnji izvještaj o sistemu finansijskog upravljanja i kontrole za prethodnu godinu.
- (2) Centralna harmonizacijska jedinica upućuje konsolidovani godišnji izvještaj za prethodnu godinu Vijeću ministara Bosne i Hercegovine, putem Ministarstva finansija i trezora Bosne i Hercegovine, najkasnije do 31. marta tekuće godine.

IV. ZAVRŠNE ODREDBE

Član 6.

Ovaj pravilnik stupa na snagu osmog dana od dana objavljivanja u "Službenom glasniku BiH".

Direktor
Centralne
harmonizacijske jedinice
Ministarstva
finansija i trezora BiH
Ranko Šakota, s. r.

Broj 03-1-02-2-302-1/15
21. septembra 2015. godine
Sarajevo

**MINISTARSTVO CIVILNIH POSLOVA
BOSNE I HERCEGOVINE**

764

Na temelju članka 12. a. stavak (2) Zakona o putnim ispravama Bosne i Hercegovine ("Službeni glasnik BiH", br. 4/97, 1/99, 9/99, 27/00, 32/00, 19/01, 47/04, 53/07, 15/08, 33/08, 39/08 i 60/13), Ministarstvo civilnih poslova Bosne i Hercegovine donijelo je

**PRAVILNIK
O IZMJENAMA PRAVILNIKA O BRODARSKOJ I
POMORSKOJ KNJIŽICI**

Članak 1.

U Pravilniku o brodarskoj i pomorskoj knjižici ("Službeni glasnik BiH", broj 27/15) (u daljnjem tekstu: Pravilnik) članak 6. mijenja se i glasi:

"Članak 6.

(Nadležnost za izdavanje)

- (1) Zaprimanje zahtjeva i provođenje postupka izdavanja, zamjene i poništavanja knjižice iz članka 2. stavak (1) i (2) ovog pravilnika vrši Ministarstvo civilnih poslova Bosne i Hercegovine.
- (2) Ministarstvo civilnih poslova Bosne i Hercegovine surađuje sa nadležnim tijelima drugih država o pitanjima vezanim uz autentičnost i validnost izdanih knjižica."

Članak 2.

U članku 12. Pravilnika stavak (1) mijenja se i glasi:

- "(1) Zahtjev za izdavanje brodarske knjižice podnosi se nadležnom tijelu iz članka 6. stavak (1) ovog pravilnika."

Članak 3.

U članku 13. Pravilnika stavak (1) mijenja se i glasi:

- "(1) Zahtjev za izdavanje pomorske knjižice podnosi se nadležnom tijelu iz članka 6. stavak (1) ovog pravilnika."